


成案所見集




		九	漢
	二	書	門
四	八	四	
冊	架	函	號
四	一	四	九
冊	架	函	號

庫文閣內

內閣文庫	
番號	漢 9249
冊數	48 (19)
函號	296 104

廿六之九



衙役奉票拘人逼詐致縊援案枷責完結

乾隆八年九月日准

刑部咨據廣撫王 咨稱新寧縣典史差役甄超逼

索蘇安從之妻會氏自縊身死一案緣蘇安從與故


父蘇儒玉向居伍姓村內在伍允紀家傭工近年以

來伍允紀家計蕭條蘇安從遂出外為傭乾隆六年

九月二十二日伍允紀安葬祖樞預約蘇安從帮工

蘇安從應允後因新會工作難離致未踐約至乾隆

七年正月初九日伍允紀遇見蘇安從責其失信蘇



安從出言不遜伍允紀舉手欲打蘇安從亦欲還打
伍允紀退避不甘遂于二月初十日以逆僕毆主具
詞赴典史衙門投控典史楊文煥票差甄超喚訊十
四日甄超往拘適蘇安從父子俱往新會縣傭工甄
超索取蘇安從之妻會氏飯錢一百文而回十九日
甄超復至其家詢問蘇安從回否會氏答以未歸甄
超隨索錢二千文會氏無錢以應甄超不悅出言唐
突而去會氏慮夫受罪又苦無錢雇人街喚更恐甄
超再來乏錢遣發憂愁莫釋遂于二十日早乘媳小

會氏出外挑水閉門自縊迨小會氏回家知覺晚同
鄰佑劉萬聚撥門解救不及業已殞命小會氏併懇
劉萬聚往報翁夫蘇安從趕回詢知衅起伍允紀具
控隨捏伍允紀于正月初五日入室圖姦伊媳不遂
因而捏詞妄告以致捕差甄超逼索伊妻身死研訊
各犯供認如繪查蘇安從同故父蘇儒玉在伍允紀
家傭工是實並非伍允紀奴僕至伍允紀委無入室
圖姦小會氏情事係蘇安從因伍允紀誣雇爲奴遂
捏情誣抵其捕差甄超于得飯資之外雖未得受多

錢而出言嚇逼斃命屬實均已供明不諱查康熙四十六年普安縣民黃世爵頂充衙役龔正之名詐逼黃之英銀兩以致黃之英自戮身死照奸徒串通衙役陷害良善詐騙財物例枷號兩個月責四十板追埋葬銀十兩具題奉

旨嗣後此等案件俱照此例定擬欽此欽遵在案今甄超奉票差拘人索錢不遂出言恐嚇以致曾氏情迫自縊應請比照黃世爵之例枷號兩個月責四十板追埋銀十兩并所索飯錢一百文給付屍親收領仍革

役時逢熱審照例減等枷號五十五日責三十五板八折發落伍允紀誣雇爲僕與誣良不同律無正條但事出有因應免深求惟不赴印官呈控輒赴典史衙門告理亦屬不合伍允紀應照將不合行事務朦朧稟說施行律杖一百折責四十板時逢熱審照例減一等杖九十八折發落蘇安從呈捏伍允紀調姦伊媳未成如果屬實伍允紀罪應杖八十今審屬虛蘇安從合依被誣之人反誣犯人者亦抵所誣之罪不加等律杖八十遇熱審減一等杖七十八折發落

伊媳曾氏係聽從蘇安從教誘誣供今已罪坐家長
應請免議原任典史楊文煥據審並無徇情納賄其
違例擅受民詞濫差滋擾以致衙役詐索斃逼人命
業于本案革職毋庸議與于審保長伍有恒鄰佑劉
萬聚同屍媳曾氏先行摘釋曾氏屍棺飭屍夫領埋
除咨吏部外擬合咨達等因前來甄超等均應如該
撫所議完結可也

調戲婦女以致失跌傷胎身死滅等擬流死者
亦不

旌表

刑部會議覆王那客調戲陳三榮之妻溫氏致氏失
跌傷胎身死一案據廣撫王 疏稱王那客與溫氏
鄰村居住素相熟識乾隆七年二月內溫氏之夫陳
三榮被澄邁縣竊犯供扳關提脫迺溫氏隻身子幼
暫回伊父溫玉家居住五月十九日溫氏前往多文
市買米下午時候同伊叔溫宗世回家適王那客亦

在市買筆與溫氏等同歸行至抱屯村邊溫世宗腹
痛在於路旁土坑出恭溫氏與王那客先行至賓泮
地方王那客四顧無人遂調戲溫氏聲言氏夫犯竊
逃走氏屬青年難守不若嫁伊爲妻溫氏怒罵閃開
道旁欲讓王那客先行王那客上前復捻溫氏之手
溫氏放下米袋拉住王那客右手咬其臂膊王那客
負痛難忍卽用左手擦傷溫氏咽喉并指甲抓傷溫
氏右額額溫氏放口叫喊王那客掙脫跳越水坑而
逃溫氏亦跳坑趕拉失足坐跌坑邊振傷胎孕溫宗

世聞聲奔至詢知情由欲扶溫氏回家行不數步溫
氏氣喘倒地隨卽殞命屢審不諱查例載但經調戲
本婦羞忿自盡者擬絞監候並無但經調戲本婦自
行跌傷身死將調戲者作何治罪之文今王那客調
戲溫氏在溫氏本無欲死之心實因己身一時失足
坐跌傷胎身死若將王那客擬絞似覺稍重應將王
那客比照但經調戲本婦羞忿自盡擬絞監候例量
減一等擬流並聲明王那客有妻馮氏情願僉遣照

例請

旨遵行具題應如所題王那客應比照但經調戲本婦羞
忿自盡者絞例減一等杖一百僉妻流三千里至配
所折責四十板并向該犯名下追埋葬銀二十兩給
付屍親收領仍將該犯比附罪名之處照例聲明恭
候
欽定該撫既稱溫宗世救護不及應毋庸議陳三榮所
犯竊案飭令緝審詳結等語應如所議完結再該撫
疏稱溫氏被王那客調戲雖亦羞忿詈罵但係失跌
致死與捐軀殉節者不同毋庸議請

旌表等語查定例內婦女強姦不從以致身死者
旌表等語今溫氏被王那客調戲雖亦羞忿詈罵但係
失跌致死與捐軀殉節不同應毋庸議乾隆八年十
二月 谷 日奉 疏稱重傷那六郎那貴股
旨依議

二月 日奉
夫起姪孫與匪類同謀母亂藉詞入平十
獄妻善毒今出及姪王准容賄熾擬亦蓋忿罪重臥刑
獄妻善毒查家內獄文顯遠不終以遲長孤許

用強毆打以致自盡並無威逼情事比照威逼
例減一等治罪駁案

乾隆十二年十一月十九日准

刑部咨據湖北撫陳 疏稱蕪陽縣邢六卽邢貴毆
傷李富明致李富明自扎身死一案緣邢六原籍任
邱李富明籍隸武陟均寄居蕪邑清涼寺地方各自
生理素好無嫌乾隆十六年六月二十九日邢六乏
油持盞向李富明那借荅以有油不肯借給邢六卽
強取油確李富明槍奪致確落地油傾李富明詈罵



欲毆那六將李富明一推轉身跑走李富明不甘遂
趕拉住那六髮辮那六回身用拳毆傷李富明右眼
胞李富明釋手隨拾地下磚塊回打那六臂膊那六
奪磚適伊兄邢玉聞聲趕至手披那六兩掌邢玉將
李富明抱轉勸令回家李富明卽辱罵那六父母邢
六氣忿在邢玉背後將所奪磚塊打傷李富明顛門
當有街鄰劉尙等趕至奪獲那六磚塊勸令各散不
意李富明被毆氣忿聲言以死相抵回家持刀而出
在門外街中連扎自己肚腹三刀卧地劉尙等趕救

不及當經李祥瑞用雞皮貼住傷口那六亦卽逃遁
邢玉畏累亦卽潛逃李富明傷重卽于次日殞命嗣
據關獲各犯訊供不諱那六合依因事用強毆打威
逼人致死果有致命重傷雖有自盡實跡依律追埋
葬銀兩發邊衛充軍至配所杖一百折責四十板仍
追埋葬銀十兩給付死者之家邢玉審無幫毆情事
應與勸阻不及之甲鄰人等均毋庸議李富明所存
家伙本錢給與夥計陳寄收管俟關到屍親一併給
領所有拿獲兇犯一名邢六係河南裕州知州王枝

培相應開報等因前來查威逼人致死必有可畏之
威方以威逼定擬今此案邢六向李富明借油不給
強行自取以致兩相爭打邢六雖毆傷李富明左眼
顙門二處但業經勸散事已寢息迨後李富明氣忿
自扎身死邢六並無威逼情事且所傷甚輕原不致
於傷命若照該撫所擬依因事用強毆打威逼人致
死一例擬軍殊與例義不符但止用強毆打而無威
逼情事者律例並無正條查例載律例無可引用援
照別條比附者或加一等或減一等科斷等語應將
邢六比照因事用強毆打威逼致死果有致命重傷
雖有自盡實跡發邊衛充軍例減一等杖一百徒三
年至配所折責四十板仍追給埋葬銀兩餘均如該
撫所議完結至文職應否議敘應將原咨送吏部議
覆可也

語言褻狎總麻服姪之妻以致自盡加重擬軍
因聞喫茶之語輕生不准

旌表

刑部會看得鄧觀音保出言褻狎致總麻服侄鄧七
俚之妻曾氏羞忿自盡一案據廣撫蘇 疏稱鄧觀
音保與曾氏鄰屋居住緣鄧觀音保唱戲營生乾隆
十五年二月內因值清明祭墓鄧觀音保帶有戲班
骨牌回家鄧七俚偕回家內頑耍三月初二日鄧觀
音保欲往回舖橋唱戲初一日午後至鄧七俚家索

取骨牌值鄧七俚及伊母劉氏往田工作止遺鄧七俚之妻曾氏在家鄧觀音保卽向曾氏取回骨牌并順口向說你若看戲我請吃茶曾氏以土俗婦人受聘爲吃茶卽正言斥責鄧觀音保覆稱在外唱戲常請婦人吃茶曾氏叫喊鄧觀音保趨出適劉氏自田回家卽將鄧觀音保布衫拉住鄧觀音保解脫布衫急出劉氏復向前扯扭鄧觀音保情急咬傷劉氏手指劉氏釋手鄧觀音保奔走迨鄧七俚歸家曾氏告知前事氣忿哭泣鄧七俚投知鄰佑鄧勝千等并同母解勸至下晚曾氏乘間潛往投水身死鄧君彩等往田工作看見曾氏投水鄧七俚撈起身屍投明村甲具控屢審不諱查出語褻狎本婦一聞穢語卽便輕生照強姦未成本婦羞忿自盡例減等杖流係指凡人而言今曾氏係鄧觀音保總麻服姪之妻名分攸關未便照凡人科罪查凡人但經調戲本婦羞忿自盡者例應擬絞若總麻以上親有犯俱照強姦總麻以上親未成擬斬本案係褻狎總麻以上親之妻致令自盡情輕于調戲而分重于凡人自應加等議

擬將鄧觀音保擬軍具題查例載村野愚民本無圖
姦之心又無手足勾引挾制窘辱情狀不過出言姦
狎本婦一聞穢語卽便輕生照強姦未成本婦羞忿
自盡例減一等杖一百流三千里等語原無親屬有
犯另行治罪之文今該撫旣稱鄧觀音保向總麻姪
媳曾氏出言姦狎以致曾氏羞忿自盡情同輕于調
戲而分重于凡人未便照凡人科斷等語應如該撫
所題鄧觀音保合依出語姦狎本婦一聞穢語卽便
輕生杖流例從重問發附近充軍至配所折責四十
板仍照律無正條援引比附加減例聲明恭候

諭旨遵行再該撫疏稱骨牌已據取回查係頑具係戲班
行頭毋庸議所獲布衫布鞋飭令分別變銷等語應
如所題完結再該撫疏稱查定例凡婦女強姦不從
以致身死者

旌表等語今曾氏一聞姦語羞忿莫釋捐軀明志節烈
可嘉應請

旌表以彰風化等語查曾氏因鄧觀音保請吃茶一語
卽便輕生投水自盡與強姦不從羞忿自盡者有別

應將該撫題請曾氏

旌表之處毋庸議乾隆十六年閏五月初八日奉

旨依議

悞傷親伯縊死照威逼尊長問絞案

刑部會看得蔡映星被親姪蔡王興毆傷氣忿縊死一案先據廣撫蘇 疏稱蔡映星佃耕劉良則田大雨沙歷蔡映星墾復于乾隆十四年劉良則將田賣與蔡映星親弟蔡秀星蔡映星以劉良則不給工本十二月十四日仍令子蔡阿后犁耕蔡秀星之子蔡王興向阻爭鬧而散十六日蔡映星同蔡阿后途遇蔡王興切責其非并將拄杖向毆蔡王興心疑蔡阿后唆使接奪拄杖向打蔡阿后蔡映星趨護蔡王興

悞傷蔡映星頂心蔡映星以頭亂撞蔡王興擋抵致傷蔡映星偏右顙門奔逸蔡映星氣忿莫釋于是夜自縊身死蔡映星長子蔡進喜欲行報官蔡秀星懇求伊母江氏三兄蔡其章和息族長蔡友士在旁相勸蔡進喜不依江氏發忿蔡進喜勉強允從蔡秀星將田一畝五分載價九十兩交付蔡進喜收受旋經拿獲屢審不諱查律載甲幼威逼期親尊長致死絞又弟毆兄傷杖一百徒三年若姪毆伯叔父母加毆兄罪一等又例載凡因事用強毆打威逼人致死果有致命重傷雖有自盡實跡依律追埋葬銀兩發邊衛充軍各等語今蔡映星原係氣忿自盡蔡王興尙無威逼情狀按律擬絞不無過重但竟照毆期親尊長擬流又與未經自盡者無所分別亦屬過輕蔡王興應比照因事用強毆打威逼人致死果有致命重傷發邊衛充軍例發邊衛充軍等因咨部經臣部以律載威逼期親尊長致死者絞等語蔡王興承買伊親伯映星佃耕之田映星因從前墾復工本未得討回又不得復耕其田是以斥責向毆王興輒疑映

星之子阿后唆使奪杖轉毆致悞傷映星頂心映星
舉頭向撞王興復用杖撓傷映星偏右顙門以致映
星氣忿自縊身死該撫咨稱王興尙無威逼情狀擬
絞不無過重等語夫律稱威逼者原無欲殺之心第
以威勢相加使人難受其死實由于此卽應坐以威
逼之條今王興旣不議還伊伯墾復工本之銀又不
容伊伯之子赴田犁耕迨伊伯情急向前欲行毆撞
王興並未受傷輒敢恃強奪杖撓傷伊伯致命三處
查驗屍格色係紫黑據屍子供稱父親因工本無討

又被王興打傷是以氣忿縊死等語則映星之死實
由王興逼迫所致律所稱卑幼威逼尊長致死何以
加此事關逼死親伯倫紀攸關不便率結咨駁去後
今據該撫疏稱映星究係王興親伯尊卑名分秩然
當王興路遇映星斥責向毆之時在王興何難走避
乃反奪杖向毆阿后以致打傷映星致命頂心迨映
星情急以頭亂撞王興仍不走避又用拄杖攔抵致
傷映星致命偏右顙門兩處是映星之縊死實由王
興強梁逼迫所致前擬充軍洵屬未協將王興擬絞

等因具 題前來應如該撫所題王興合依卑幼威
逼期親尊長致死者絞律擬絞監候秋後處決乾隆
十七年十一月奉

旨蔡王興依擬應絞着監候秋後處決餘依議

希圖兄產逼嫂改嫁致嫂自盡比照疎遠親屬

圖財強賣律擬絞奏請

刑部 題據廣撫審題李樹養等圖產逼嫁孀嫂曾
氏服毒身死一案緣李樹養胞兄李經書病故伊嫂
曾氏矢志孀守李樹養覬覦伊兄遺業輒起意遣嫁
撞遇陳俊蘭談及李茂生欲娶繼室李樹養即以伊
嫂曾氏欲行再醮囑令說合議定財禮約日迎娶曾
氏先已聞知倉惶躲避李茂生等迎娶無人始知曾
氏不肯取回財禮各散詎曾氏被逼不甘且恐將來

難免抑勒失節往山潛食斷腸毒草歸家殞命將李
樹養照孀婦自願守志夫家搶奪強嫁孀婦不甘失
節因而自盡例發邊衛充軍等因具題經臣部以例
載孀婦自願守志而夫家搶奪強嫁孀婦不甘失節
因而自盡者照威逼充發例應發邊衛充軍等語此
專指夫家母家主婚受財搶嫁強奪者而言今李樹
養因伊兄物故希圖家產強逼曾氏改嫁以致服毒
身死核其情罪與主婚受財者較重夫以疎遠親屬
圖財強賣並未至死人命猶擬環首而該犯圖產逼
命僅擬充軍殊失平允應令該撫按情妥擬到日再
議等因題駁去後今據該撫將李樹養比照疎遠親
屬圖財強賣者絞候仍將比引科斷緣由恭候
聖旨定奪曾氏奏請

旌表等因臣部於乾隆二十一年三月內題覆奉

旨李樹養依擬應絞着監候秋後處決餘依議

捏姦唆使毆斃比照因姦威逼致死擬斬

刑部會看得王興等捏姦主使毛忠捆毆毛天祥身
死一案據直督方 疏稱緣毛天祥與姪毛自富向
在關東生理遺妻李氏與姪媳王氏在家王氏因往
秦四家帮做針線卽與秦四通姦嗣李氏病故王氏
又與王寬王興通姦均非一次乾隆十六年正月毛
天祥自關東回家聞氏不端卽爲拘管又禁王興等
來往王氏于二月二十七日乘毛天祥外出赴王興
家道及毛天祥拘管不能來往情由王興卽設計誣

所見集 卷二十六
隋令王氏引誘毛天祥進房睡宿赴街捏喊強姦代
爲耻辱以塞其口王氏應允王興知王寬秦四俱與
王氏有姦卽向伊等告知令其聞聲同往理論二十
八日適毛天祥偶患寒疾王氏因其炕冷卽誘令換
房睡宿毛天祥應允次日天明王氏乘毛天祥病卧
未起赴街捏喊毛天祥強姦王寬王興秦四聽聲齊
赴毛天祥家一同村辱因被毛天祥辱罵并聲言欲
與拚命王興氣忿因毛忠係毛天祥族叔欲圖壓服
又與王寬秦四商謀哄騙毛忠前來毆打洩忿遂令

王氏往毛忠家捏姦哭訴毛忠聽信而來王興等迎
至中途令其毆打教訓毛忠同至毛天祥家內見毛
天祥尙卧王氏炕上斥責其非毛天祥挺撞毛忠氣
忿掌批其臉毛天祥不服詈罵王興秦四隨幫同毛
忠將毛天祥兩手撐轉王興用繩捆住秦四拾取木
棍逼交毛忠王寬聲言打伊手腿卽棍毆毛天祥左
臙肋倒地復連毆其左手腕因王興做手勢令其剝
衣墊石毆打毛忠隨又解繩捆住其足並脫去皮袄
拉開右手放于石上用棍毆其右臙連手腕并左

右臙朋等處經鄰佑王銀聞聲赴勸而散詎毛天祥傷重移時殞命屢審不諱除應行擬流之毛忠于取供後病故不議外查王興誣捏姦情唆使毛忠毒毆毛天祥致斃情罪較重應比照因姦威逼人致死律擬斬監候王寬擬流減徒王氏擬軍收贖具題應如所題王興應比照因姦威逼人致死律擬斬監候秋後處決係律無正條比擬聲明恭候

諭旨遵行該督既稱王寬雖訊無助毆情事但隨同王興圈哄毛忠指使毆打應照因姦威逼人致死為從減一等律杖一百流三千里王氏聽從王興捏姦汚穢如果屬實王氏係毛天祥姪媳服屬大功毛天祥應照親屬犯姦律問發充軍今審虛反坐王氏合依誣告充軍應照所誣充軍律應發邊衛充軍係婦人決杖一百餘罪收贖第王寬等事犯在

恩詔以前除王氏誣告大功尊長不准援免外王寬所犯流罪應減為杖一百徒三年逸犯秦四獲日另結等語查王寬誣捏毛天祥強姦王氏并唆令毛忠毆傷毛天祥身死情罪較重王寬應得流罪不准援減餘

均應如該督所題完結乾隆二十一年九月三十日

奉

旨王興依擬應斬著監候秋後處決餘依議

因姦誤摸以致自盡比照出語褻狎例擬流

刑部會看得朱小因姦小丫頭誤摸黃二姐以致黃

二姐羞忿投水身死一案據安撫高 疏稱緣朱小

係張學詩雇工有黃樸夫婦帶女黃二姐亦雇與張

學詩傭工黃二姐與張學詩婢女小丫頭同處一室

每遇黃樸外出卽與伊母同宿乾隆二十年三月二

十五日小丫頭懷抱幼孩頑耍朱小起意圖姦勾引

小丫頭笑而不答朱小知已允從適逢黃樸外出黃

二姐與母同宿朱小至房成姦至五月初六日朱小

因黃樸聲言往場看麥意揣黃二姐必歸母室同寢
撥門潛入小丫頭房內向床按摸詎黃二姐仍在小
了頭房中睡臥以致誤摸黃二姐驚覺叫喊朱小知
係錯摸隨即奔逸小丫頭知是朱小失口道破黃二
姐忿詈喊起伊父並雇主張學詩備告其故詎黃二
姐羞忿莫釋潛出投水身死屢審不諱將朱小比例
擬流援

赦減徒黃二姐附請

旌表具題查朱小因欲與和姦之小丫頭同宿誤摸黃
二姐身上以致黃二姐捐軀自盡雖黃二姐之死由
該犯手摸其身與一聞穢語即便輕生者不同但該
犯臨時實無圖姦黃二姐之心酌其情罪與調戲本
婦致死者實屬有間應如該撫所題朱小合比照本
無圖姦之心不過出語褻狎本婦一聞穢語即便輕
生例應杖一百流三千里事犯到官在

恩詔以前應減爲杖一百徒三年再該撫疏稱黃二姐守

正不污捐軀明志洵屬可嘉相應照例附請

旌表等語應如該撫所請准其

旌表令該撫轉行該地方官給銀三十兩聽本家自行
建坊其該州節孝祠內設牌之處照

恩詔定例遵行乾隆二十一年十二月初四日奉
旨依議

調姦不從遷怒旁人以致旁人將妻毆死比照
強姦未成量減一等杖徒不准援減

刑部會看得李恒茂砍死伊妻楊氏并韓旺調戲昇
姐一案據直督 疏稱緣乾隆十八年八月十五日
有韓旺向李恒茂鄰居陳福家討取酒壺適陳福夫
妻外出止女昇姐在家韓旺起意圖姦遂取出耳環
給與昇姐昇姐斥阻未受韓旺復出言調戲昇姐喊
嚷李恒茂之妻楊氏聽聞趨視韓旺隨卽逃逸迨後
陳福回家昇姐等告知前情陳福向韓旺理論韓旺

知係楊氏告知遂向伊夫李恒茂爭鬧當被牌頭張公方拴帶韓旺稟報李恒茂抱忿回家怨罵其妻楊氏不服撒潑回詈李恒茂忿恨莫過頓起殺機隨持斧砍傷楊氏左耳垂連耳根倒地復連砍其額顛偏右太陽穴右腮腴項頸併割傷右手大指立時殞命屢審不諱將李恒茂擬絞監候韓旺擬徒具題應如該督所題李恒茂合依故殺妻律擬絞監候秋後處決該督既稱韓旺調戲昇姐雖訊無強暴情事但因陳福向其理論輒以楊氏告知遷怒肆行爭鬧以致李恒茂忿恨殺妻殊屬淫惡若僅照訓戲例量擬枷責未足蔽辜韓旺應比照強姦未成杖一百流三千里量減一等杖一百徒三年雖在

恩詔以前應不准援減等語應如該督所題完結乾隆二十三年正月二十四日奉

旨李恒茂依擬應絞著監候秋後處決餘依議

圖姦起扯以致落井淹死駁改因姦威逼斬候
刑部 題據河撫咨達鄆陵民王二麻圖姦盧黑兒
未成致盧黑兒失足落井淹死一案該撫將王二麻
比照謀殺人已行其人知覺奔跑或失跌或墜水等
項死于他所造意律擬流咨部經臣部以律內因姦
威逼人致死者斬監候又例內有因強姦不從將本
婦立時殺死者擬斬立決各等語今盧黑兒因被強
姦不從起身奔喊落井淹斃死由因姦正與因姦威
逼人致死之律脗合且盧黑兒年僅八齡當其起身

奔喊王二麻既上前趕拉何難拉住乃聽其奔跑以致墜落井內或係畏其發露有心推溺希圖滅口正未可定况該縣驗報盧黑兒身屍僅稱水淹身死其井面之有無圈欄屍身之果否自行跌落抑係被推入井及穀道之有無破傷形踪均未分晰驗明殊屬疎漏未便僅憑王二麻一面之詞遽成信讞况強姦未成律卽坐以滿流今王二麻復又致死人命豈得輕縱事關因姦致死不便率覆應令該撫再行詳審務得確情按律妥擬具題到日再議等因題駁去後續據該撫將王二麻改依因姦威逼人致死律擬斬監候具題臣部于乾隆二十三年十二月內題覆奉旨王二麻依擬應斬着監候秋後處決餘依議

因姦威逼人致死

主使人撕毀文契又糾眾搬搶以致投井身死

駁改因盜威逼斬候

刑部 題據直督咨達宛平民史玉之妻韓氏因金

八主使崔二等毀契搶糧氣忿投井身死一案緣韓

氏所住之屋係崔二祖上所售之產屋後另有瓦房

一間係崔二之父典與為業有韓氏鄰居李太因崔

二之父曾欠伊小錢八千文未償前往索討崔二告

以窮苦李太隨稱韓氏屋後地基可變崔二慮難出

售李太應允崔二向韓氏詐取房租希圖歸房售賣



所見集 卷三十一
韓氏答以價典之房令其查看契紙崔二因不識字
退歸無策適遇素識之金八等將情由告知金八卽
稱韓氏家內有錢又有糧食何惧不還商同前赴查
看契紙金八卽同至韓氏家內索看房契韓氏當將
典賣各契交給金八見其契載甚明難以歇手卽將
契紙交給崔二主使撕毀使無憑據便可混賴崔二
當卽聽從撕毀韓氏嚷鬧金八將崔二拉勸至家因
素知韓氏家積有糧食隨慫恿崔二前往搬取時有
韓氏工人趙二在彼裝運芝蔴崔二恃強將趙二攆

逐自裝芝蔴一袋並將趙二衣被等物俱行搶取而
散嗣崔二復與金八商明邀同陳三陳四一共四人
復至韓氏家內將伊所貯粟穀強取四石金八又往
趙二房內取出芝蔴七斗崔二亦進內搶出趙二小
錢四十文一併拿出負至金八家內賣錢分用經張
才風聞拿獲崔二稟縣詎韓氏被搶不甘投井殞命
屢審供認不諱將金八依兇惡棍徒無故擾害良人
例擬遣崔二爲從擬徒陳三陳四等分別枷杖等因
咨部經臣部以律載因盜而威逼人致死者斬監候

等語律文盜字原兼強竊而言若搬搶財物則又重于竊盜此案金八係屬無干之人始則慫恿崔二索契撕毀繼復唆使崔二糾眾搬搶以致韓氏被搶不甘投井身死情罪可惡實與因盜威逼致死者無異今該督將金八僅擬發遣崔二擬以徒杖殊屬輕縱應令該督再行妥擬具題到日再議等因咨駁去後續據該督將金八改依因盜而威逼人致死律擬斬監候崔二改依爲從律擬流具題臣部于乾隆二十四年閏六月內議覆奉

旨金八依擬應斬著監候秋後處決餘依議

圖產強嫁再從弟婦致令自刎身死依疎遠親
屬圖財強賣律擬絞奏請

刑部 題據湖北撫咨達枝江縣通詳劉澤遠搶嫁
孀婦黃氏致氏自刎身死一案緣劉澤遠係黃氏之
夫劉永華小功服兄劉永華身故遺有租田五石四
斗陵地五畝黃氏撫孤守志又自置田四石九斗迨
子天亡劉澤遠圖產起意強嫁與熊敬思蘇紹一爲
媒說與李守揆爲妻議定財禮銀三十二兩錢二千
文寫立婚書卽欲迎娶劉澤遠約俟夜間往搶是晚

邀同李仁等齊至黃氏門首劉澤遠從耳門進內開
門將黃氏拉出同李守揆扛抬上馬劉澤遠復轉至
黃氏屋內搜取田地契紙而出將黃氏送至李守揆
家而散李守揆止留李雙兒陪伴黃氏因黃氏哭罵
不休不敢成婚次早黃氏之叔黃方興查至李守揆
家黃氏託令撫女鳴冤黃方興情願備銀贖取李守
揆因無現銀不允黃方興出門欲歸措銀黃氏即取
房內剃刀自刎身死將劉澤遠依孀婦自願守志夫
家搶奪強嫁孀婦不甘失節因而自盡照威逼例發
邊衛充軍李守揆等分別擬以徒杖具題經臣部以
例載孀婦自願守志而母家夫家搶奪強嫁者各按
服制照律加三等治罪如孀婦不甘失節因而自盡
者照威逼例充發又例載疏遠親屬圖財強賣者照
例擬絞奏請各等語此案劉澤遠係黃氏故夫劉永
華再從兄弟與黃氏已無服制因黃氏夫死子殤遺
有田產起意圖佔輒誘邀熊敬思等爲媒得受財禮
將黃氏私許李守揆爲妻又因黃氏係單戶獨居隨
率同李守揆乘夜將黃氏強搶出門拉抬上馬復轉

至屋內搜取田產契約入手扛扶黃氏送至李守揆
 家內致黃氏不甘失節持刀自刎殞命該犯以疎遠
 親屬因圖佔產强行嫁賣逞克逼命與母家夫家奪
 志強嫁者迥不相同今該撫僅擬以邊衛充軍揆之
 情法未為允協應令該撫另行按例詳晰妥擬具題
 到日再議等因咨駁去後續據湖北撫將劉澤遠改
 照疎遠親屬圖財強賣者絞候奏請
 定奪李守揆等擬流黃氏附請

旌表等因具題臣部於乾隆二十六年十二月內題覆

奉

旨劉澤遠依擬應絞着監候秋後處決餘依議

買票詐贓威逼致死比照捕役嚇詐致死絞候
刑部題會看得高太等買票詐贓威逼朱咸初自刎
身死一案據湖撫李 疏稱緣高太先行竊審擬
杖徒限滿遞回蘄州在前任知州汪元懋任內承充
皂役高太與余大章等誼屬表親因朱咸初有祖遺
墳山與徐東曉山界毗連山界內有松樹一株朱咸
初將松樹旁檀樹砍伐徐東曉之子病故徐東曉心
疑伐樹所致朱咸初又砍取徐東曉山草徐東曉憶
及前事輒欲具控遂倩人寫狀赴吏目衙門投遞該

吏目胡維忠接收票差衙皂李勝拘審李勝圖利携
票售賣高太起意商同余大章各出錢文向李勝買
票同赴徐東曉並朱咸初家喚訊朱咸初當給錢四
百文並許錢一千二百文朱咸初亦赴具訴李勝仍
將差票給高太收執高太等至朱咸初家歇宿高太
以朱咸初不給錢文總令赴城余大章亦稱不耐等
候高太復又逼令起身朱咸初出言詬罵高太氣忿
卽將朱咸初家桌椅壺碗打毀朱咸初不甘隨拾碗
片擲傷高太額角高大叫喊毆差朱咸初情急卽取
刀走出門外割傷咽喉倒地登時殞命報經前州張
曾翰驗訊竟將高太投充買票情出匿不入詳捏稱
余大章竊票約同高太拘審索逼斃命通詳嗣委知
縣沈周確審訊出實情審認不諱將高太依律擬絞
余大章擬流徐東曉等擬以枷杖具題應如該撫所
題高太應比照捕役嚇詐逼認因而致死照誣告致
死例擬絞監候秋後處決余大章通同索逼應照爲
從減一等律杖一百流三千里徐東曉捏控盜樹應
照律加三等杖一百李勝賣票得錢計贓一兩以下

應杖七十加枷號兩個月所有遺漏刺字之前任蘄州知州李秘已經身故應毋庸議擅受濫差之蘄州吏目胡維忠任意朦混之前署蘄州事黃州府通判張曾翰俱于本案查叅革職均免其再議應將失察竊賊承充差役之前任蘄州另案革職知州汪元懋照例降一級調用註冊於乾隆三十年十月二十五日奉旨高太依擬應絞著監候秋後處決餘依議

圖索畫押銀致伯母自縊比照威逼滅流子受賄匿報服制照枉法計贓治罪

乾隆三十一年

刑部議覆江西安福縣彭近增圖索畫押禮銀致伯母劉氏刎傷咽喉自縊復賄匿服制一案緣彭近增係劉氏故夫彭音節胞姪彭近增屋後巷路一條向與劉氏家公同出入乾隆三十年八月彭近增之母周氏出名將已分一半賣與劉氏之子彭報懷砌墻獨管得受價銀一兩時彭近增胞弟彭遵古外出契

所見集 卷三十六
未列名三十一年七月彭遵古回家彭近增欲令彭報懷補給畫押禮銀彭報懷不允出言詈罵彭近增將所築之牆推毀一節劉氏聽聞出言囔罵稱言拚命暗帶剃刀刎傷咽喉倒地經族鄰彭存古彭正千勸散報縣驗傷醫治詎劉氏年老傷痛遽萌短見於八月初三日自縊殞命彭近增恐干重罪央求彭正千勸彭報懷不必供出服制議令措給葬費銀十兩彭報懷應允彭近增將住房當與彭迎秀得錢八千文交彭報懷收受報縣驗訊查出服制及賄匿情由供認不諱將彭近增除賄匿服制輕罪不議外合比照卑幼威逼期親尊長至死律酌減一等杖一百流三千里彭報懷聽從伊叔彭正千得受賄錢隱瞞服制雖與私和不同但隱瞞服制於法有枉應照律依枉法贓五兩以上杖八十無祿人減一等律杖七十彭正千彭迎秀說合賄瞞訊未受賄彭正千合依說事過錢與受財人同科例杖七十彭迎秀合依爲從無祿人減二等例杖六十均年逾七十照律收贖等因均應如所咨完結可也

姦婦令姦夫併姦其媳致媳自盡姦夫斬候姦婦發烏魯木齊給兵爲奴

刑部會看得何元三與何先祐之母朱氏通姦并欲圖姦何先祐之妻孫氏不從羞忿縊死一案先據湖撫李將何元三依強姦未成本婦羞忿自盡例擬絞監候朱氏依軍民相姦例擬以枷責具題經臣部以例載強姦未成本婦羞忿自盡絞監候又例載因姦威逼人致死斬監候各等語今何元三本係孫氏之夫何先祐之師長因先與氏姑朱氏通姦被孫氏

撞見輒與朱氏私商朱氏囑令并姦孫氏希圖塞口
該犯隨向孫氏用言戲探復又捏腮調戲兩經孫氏
臧罵拒絕該犯毫不畏懼復敢聽從朱氏樓抱圖姦
因孫氏叫扭輒行逞兇毆辱以致孫氏被逼投繯殞
命是該犯明恃爲伊姑狎昵之人屢次挾制逼姦致
氏窘辱自盡照例擬以縲首情罪不符事關淫惡斬
絞攸分未便率覆應令該撫再行妥擬到日再議至
朱氏先與何元三通姦廉耻已喪乃因伊媳孫氏碍
眼遂設計令何元三併姦孫氏以致何元三屢次逼
辱孫氏投縲身死滅倫傷化與尋常姦案不同僅擬
枷杖不足示懲應將朱氏改擬實流發烏魯木齊給
與兵丁爲奴題駁去後今據該撫將何元三擬斬具
題應如所題何元三合依因姦威逼人致死律擬斬
監候孫氏因何元三調姦不從自盡身死洵屬節烈
應照例准其

旌表乾隆三十二年 月 日奉

旨何元三依擬應斬著監候秋後處決餘依議

逼嫁孀媳致縊改擬杖七十徒年半媒人滿徒
刑部會看得陳玉隆強嫁寡媳彭氏致氏縊死一案
據川督阿 疏稱陳玉隆長子陳宗富身故遺媳彭
氏陳玉隆以彭氏年輕恐難終志與彭氏表兄王起
義商議遣嫁王起義希圖媒金從中慫息適有周元
有談及娶親之事王起義卽與彭氏媒合議明財禮
銀四十兩陳玉隆主婚立寫婚書擇期迎娶陳玉隆
因見彭氏並無改適之意未與言明恐臨期費氣主
使王起義將彭氏哄接至峯溪場店中至期周元有

至塲接親彭氏啼哭陳玉隆令次子陳宗萬強扶彭氏上馬王起義亦令伊子王萬隆同送至周元有家周元有見彭氏悲淚不止知其不願並未成婚詎彭氏不甘失節投繯殞命屢審不諱將陳玉隆依夫家強嫁孀婦不甘失節因而自盡例發邊衛充軍王起義擬徒具題經臣部查律載夫亡改嫁詈毆故夫之祖父母父母與毆舅姑罪同其舅姑毆已故子孫改嫁妻妾者亦與毆子孫婦同是子孫之婦卽經改嫁名分恩義猶存不得與凡人並論律義顯然今陳玉隆因彭氏年少是以遣嫁及彭氏不從當令次子強扶上馬尙無殘忍逼害情事彭氏爲夫殉節仍爲陳氏之婦其於伊夫恩義至重卽於其夫之父恩義有不能絕之理該督將陳玉隆問擬遣戍按之律義案情俱屬未協或陳玉隆逼嫁彭氏不從有必欲致死情節則當另審確情定擬題駁去後今據該督將陳玉隆改擬杖徒前來應如所題陳玉隆合依孀婦自願守志而夫家強嫁各按服制照律加三等治罪律杖六十徒一年量加一等應杖七十徒一年半王起

義合照威逼充發例為從減一等應杖一百徒三年
再自縊身死應給匾額毋庸請給建坊銀兩之處與
例未符仍應照例准其

旌表乾隆三十三年

月

日奉

旨依議

逼嫁有夫堂妹致死駁改絞候節婦請 旌

刑部會看得李金詔逼嫁胡李氏致氏自盡一案先
據川督阿 咨稱李金詔係李氏小功堂兄李氏之
夫胡建盛于乾隆二十六年外出不歸遺妻李氏無
依隨父李之陽同李金詔移居健為二十三年正月
十一日伍忠全赴胡建盛胞伯胡世明家拜年胡世
明言及胡建盛久出無音疑係病故伊妻難以守節
伍全忠以伊戚盧金華託訪親事遂為作伐求娶李
氏胡世明囑令伍忠全往李之陽家問明議婚伍忠

風集 卷三十一
全通知盧金華隨帶銀兩于二十五日同至犍爲向
李之陽詢知李氏不願改嫁遂起身而歸詎李金詔
聞知復勸李氏改適李氏不理李金詔希圖取利卽
追回伍忠全等商令盧金華送給銀兩包管將李氏
接娶并稱伊叔李之陽爲人本分有伊力主成婚盧
金華卽出銀十兩二錢給李金詔收受李金詔又令
盧金華出錢三千文以作李之陽養女飯食約定二
月初四日前往接娶李金詔商定回家用言恐嚇李
之陽令將李氏送還胡姓免致訐訟並告約期接
去緣由李之陽畏累復問李氏仍不肯從二月初四
日伍忠全同盧金華備帶酒肉錢文前赴迎接李金
詔又囑李之陽不必再問李氏願否卽令起程李氏
在房哭泣不允李金詔往嚇以往囑胡家告官差拿
李氏被逼情急自持尖刀戳傷咽喉因傷殞命將李
金詔比照母家搶奪強嫁孀婦因而自盡例照威逼
充發量加一等應發邊遠充軍伍忠全盧金華均照
爲從減等滿徒李氏並非孀居其因逼嫁自盡與孀
婦捐軀明志有間毋庸

旌表等因經臣部以例載疎遠親屬圖財強賣者問擬絞罪不待致死人命卽應定以縶首此案李金詔圖財強嫁有夫小功堂妹李氏致氏被逼殞命查李氏因夫胡建盛久出未歸本無改節之意李金詔並非應得主婚之人始則貪圖謝禮主令出錢接娶且欺氏父李之陽爲人本分計誑恐嚇李之陽畏累向女商議不從李金詔又囑李之陽不必問女願否並向氏嚇稱告官差拿以致被逼情急自抹殞命該督以此案情節較之強嫁孀婦尤爲情重又僅照威逼自盡例充發量加一等仍擬軍遣于情罪殊未允協應令妥擬到日再議咨駁去後今據該督將李金詔改爲擬絞監候伍忠全盧金華改擬滿流並聲明李氏可否准其

旌表統聽部議具題應如所題李金詔合依疎遠親屬圖財強賣例擬絞監候仍奏請

定奪伍忠全盧金華均依爲從例各杖一百流三千里胡世明依不應重律杖八十李氏因伊夫胡建盛久出無音被堂兄李金詔圖財逼嫁以致自刎身死查

有夫之婦因親屬逼嫁例無

旌表明條但該氏實因逼嫁不從捐軀就義節烈幽魂
洵屬可憫應比照孀婦守志因親屬逼嫁自盡之例
准其

旌表乾隆三十四年 月 日奉

行李金詔依擬應絞著監候秋後處決餘依議

逼死佃戶一家五命欽駁審出行賄情出該

斬決知縣絞候秋審入于情實

湖撫永 奏乾隆三十六年八月二十四日奉

上諭刑部議段興邦威逼佃戶周德先致死一家五命一
案請照新定之例改爲擬斬監候自應如此問擬細
閱案情段興邦以佃戶欠租細事告官斷追已非安
分之人迨周德先業已遵斷交清段興邦猶以未足
仍然措給收字復以稟官差押清租退佃恐嚇致周
德先父子同時窘迫自戕是段興邦不僅倚富逞強

所見集 卷二十六
欺凌懦弱而平日以豪富監生與該縣往來交好該縣或併受其賄賂惟所欲爲該犯恃有護符恣肆無忌卽不然亦必與奸胥蠹役勾結把持橫行鄉里是以愚民畏其勢焰不敢與爭致父子五人皆以畏懼而畢命其情節甚爲可惡顯有倚仗官勢情弊自爲此案緊要關鍵今周德先父子雖死而爲段興邦佃戶者必尙有人及該處附近庄農俱可悉心詢訪段興邦恃符不法必不能掩衆人之耳目地方自有公論無難得其底裡著傳諭承德卽將段興邦向日如何與該縣交結情事逐一密訪確查務期水落石出據實奏聞若該縣有受賄庇縱之處亦卽據實嚴叅重究該撫辦理此案僅照常例問擬惟已斷給財產爲重示懲已屬錯謬今交查此事若再顛預了事或併存心袒護劣員則是自速罪戾矣將此傳諭知之欽此臣伏讀之下仰見

皇上聖鑒精明無微不照臣前此引擬錯謬今奉

諭旨曷敢顛預袒護自取咎戾惟事關發奸摘伏非得詳慎能事之員不能妥辦又恐該管道府仍有迴護查

辰沅道富泰人甚老練適在省中臣恭錄

諭旨密委該道前赴訪查務使其水落石出茲據富泰稟稱遵卽親詣該縣隨細偵訪並傳喚保鄰別佃以及原辦書役人等到案詳晰訊究前任已革知縣傅九錫于此案實有得賍情事緣段興邦之父段容山有子三人長卽革監段興邦次武生段文彪三監生段青章家道稍殷父子刻薄凡佃戶交租顆粒不容短少借貸錢穀每年加四行息滾利盤剝鄉里素有怨聲周德先承佃伊家田畝歲額租四十二石一斗已

經六十餘年從無掛欠段容山有倉廩一座坐落周德先屋側收貯附近租穀每年出納交周德先經理鄉鄰借穀者段容山發與紙飛向周德先支給周德先將紙飛彙存與段容山結算周德先年老伊子周玉景周玉秀周玉祿周景福接耕照管乾隆三十四年八月十八日段容山向周景福清租併結算是年倉貯本利均已清楚止欠息穀五斗段容山坐索不歸至十九日早又因周景福私將佃得伊田三畝五分頂與譚姓耕種租穀不清段容山仍向周景福催

逼以告官恐嚇周景福情急言欲尋死段容山回答
卽死不值一狗詎周景福被逼難堪竟投塘身死經
報原任安仁縣叅革知縣傅九錫頓萌欲念將段容
山鎖帶入城收禁候審先有佃鄰陳明會出而講和
令段興邦給周德先錢五十千文寢事段興邦又浼
生員虞明魁轉尋退役劉品一進署與知縣傅九錫
說合餽送銀一百二十兩傅九錫收受又管門跟班
家人張榮汪升各得銀十兩虞明魁劉品一原差彭
立德各分銀十兩止以三十兩交周內含分給案內
知情之人多寡不等總共用銀二百兩傅九錫隨將
段容山提出照不應重律擬杖詳結段興邦乃因此
事累其用多銀子心生惱恨立意逐佃三十五年三
月查知周德先將伊倉穀侵用周德先輒以王志錢
三十三年借穀舊紙飛改作三十四年搪抵段興邦
遂以抄吞夥盜等事前後赴縣捏控吞租一百五十
餘石併盜賣牛九隻等語經傅九錫訊明周德先實
欠倉穀十石并冒銷王志錢穀三十石又本年新穀
四十二石共八十二石諭陳明會袒承至秋收清還

八月間周德先貪佃恐退罄割所種七十七石併借
陳明會穀五石一併完清段興邦已挑回家內收貯
該犯總未甘心仍措給收字追署令高淳德到任段
興邦復抹煞已完之數仍以欠租一百五十餘石控
追勒退高淳德查卷前任斷案未銷出差查明緣由
銷案其捏控之處未經深究段興邦總不遂願十一
月初七日命族人段楚材帶同廣東人二名至周德
先家逐令出庄交田十一日段興邦途遇周玉景以
其強橫霸佔必欲上控押逐周玉景歸述其言舉家
驚憂以本年田穫穀石除交納外顆粒無存若再出
庄則無棲身之所如何謀活于十二日周德先父子
四人商同服毒往拉兒交之陳明會赴段興邦家中
拚命中途毒發俱各殞命此段興邦逼斃周德先父
子五命之先後情形也再查段興邦父子慳吝性成
惟利是視平日止知欺詐鄉愚未嘗敢與官交結亦
不與書役往來稽查縣案止有索債催租之件並無
另有重大情事質之各佃地傭人等均供相符復出
示通行招告亦無被害首控之人等情前來併帶各

犯証至省委員發訊供認不諱臣查段興邦雖無交結官吏倚仗執利情事但以財行求挾制恣肆輒敢捏欠控追迨已清完猶捏情朦告逞威逼逐致釀人命前後情由已和盤托出叅令傅九錫先則枉法受賍次則告租不從公剖斷乃于五月內卽將該年秋租併作欠數一併勒追顯屬庇縱均不出

聖明洞鑒臣復檢查三十五年安仁縣倉書劉本忠盜用印文造詳誣揭案內原有該縣傅九錫家人張榮詐得段容山命案內銀五十兩一欸後經審虛將劉本忠依投匿名文書律擬絞已經正法傅九錫照例革職題結今查出傅九錫于此案受財原揭則非無因足見天理昭彰不容漏網除將傅九錫嚴行監禁督同該司道確審此外有無婪賍實情照例辦理外至前署安仁令高淳德雖因卷內尙未呈有收字故照案行追迨查明已完卽應將段興邦因何誣控之處嚴行究結則該犯早應伏法不致逞奸釀命恐高淳德亦不無染指徇縱情弊相應請

旨將試用知縣已補陵零令高淳德解任以便提同案

內犯証一併審擬具奏所有從前失察各上司暨臣等不能早爲覺察俱咎有難辭容俟審明另開職名附叅合併聲明謹奏

刑部奏據湖南撫梁 奏段興邦威逼周德先致死一家五命一案查例載光棍爲首者擬斬立決又律載枉法賍有祿人八十兩絞監候等語段興邦威逼周德先一家五命一案先經臣部奏照威逼定例將該犯照逼一家三命以上斬例擬斬監候在案茲據該撫續經究出該犯倚富欺貧恃財行賄控追完租

之後又復捏欠逐佃以致周德先父子情急服毒慘逼多命情甚可惡應如該撫所奏段興邦改照光棍例擬斬立決傅九錫身爲知縣得受行賄銀一百二十兩亦應如該撫所奏依枉法賍有祿人八十兩絞監候律應擬絞監候秋後處決秋審時入于情實該撫旣稱已革生員虞明魁代段興邦邀革役劉品一向傅九錫說合過錢除各得銀十兩計賍罪止于杖輕罪不議外虞明魁劉品一俱合依說事過錢與受財人同科照傅九錫絞罪無祿人減一等俱杖一百

流三千里至配所折責四十板查劉品一係革役胆
敢誘惑本官營私求賄比尋常說事過錢情罪較重
應請發新疆照例僉遣黑龍江給披甲人爲奴長隨
汪升縣役彭立德各分得銀十兩俱各依蠹役詐贓
六兩至十兩例各杖一百徒三年至配所折責四十
板汪升照例刺贓犯二字縣書楊光發徐賢昆各得
受錢一千六百文劉定邦得受錢三千二百文俱合
依枉法贓一兩至五兩杖八十無祿人減一等杖七
十係書役加一等仍杖八十各折責三十板俱革役

屍親周德先得受私和錢五十千文私和人命之屬
內含得錢五千二百文周聯志得錢三千六百文周
大順得錢三千二百文周玉先等各得錢一千二百
文除周德先周大順已死不議外俱合依枉法贓一
兩至五兩杖八十無祿人減一等杖七十折責二十
五板周聯志係縣書例應加一等杖八十折責三十
板革役段連三得錢四百文合依枉法贓一兩以下
杖七十無祿人減一等杖六十折責二十板段容山
欺凌懦弱重利盤剝既自行逼死周景福迨伊子段

興邦賄求釋放又以浪費毆責其子日逐吵鬧以致
段興邦忿恨立意逐佃逼死四命實爲此案罪魁未
便輕縱應比照光棍惡徒生事擾害良民發遣例照
例改發雲貴兩廣烟瘴地方安置雖年逾七十不准
收贖武生段文彪雖未隨同伊兄段興邦說合行求
但與伊弟監生段青章平日均不能勸阻父兄俱非
安分之人應革去生監以免滋事各犯所得賍銀除
周德先已死照例勿追外餘俱照追入官等語應如
該撫所奏完結再該撫奏稱高淳德雖署任未久訊
無染指徇縱情弊但于段興邦捏控欠租時不能迅
速嚴行究致釀事端應請照溺職例革職再屬員
婪賍歷任該管上司例有處分現在查明另行咨部
叅處等語應俟

命下之日移咨吏部照例辦理乾隆三十七年二月

日奉

旨段興邦著卽處斬傳九錫依擬應絞著監候秋後處決
餘依議

夫被姦夫殺害聽許銀兩同逃比照夫爲人殺
妻妾私和杖徒不准援 赦

刑部題會看得劉漢傑等謀死杜存一案據直督方
疏稱緣杜存不務正業因無營運縱妻賣姦招引
劉漢傑至家與妻姦宿說定一切食用皆劉漢傑照
管乾隆十六年秋間劉漢傑力不能繼杜存不令上
門劉漢傑遂不上門心懷忿恨起意謀害慮恐獨力
難制遂于九月二十日聞知杜存外出誘領劉二興
楊狗至王氏家飲酒以結其心越數日後卽喚劉二

興商議謀害杜存之事適楊狗踵至查問劉漢傑隨邀劉二興楊狗至家共飲告知情由懇令幫助楊狗欲圖姦宿隨卽應允劉漢傑復邀劉二興幫助劉二興亦卽允從是晚劉漢傑腰藏麻繩與劉二興楊狗哄誘杜存至舖沽飲將杜存灌醉一同出舖劉漢傑假言送歸與楊狗誘令杜存先行劉二興在後拾取石塊同至鎖城莊漫地井邊劉漢傑卽將杜存扳倒令劉二興按住上身胎膊楊狗按住兩腿杜存嚷罵劉漢傑用土塞口當卽取出麻繩將杜存項頸套住

抽勒尙未絕氣劉漢傑縛上石塊將杜存連石推入井內淹斃各散次日王氏見夫不歸尋遇劉漢傑向其查問劉漢傑卽以實告王氏哭泣欲喊劉漢傑用言恐嚇王氏惧其兇惡不敢聲揚劉漢傑慮恐王氏告發欲令同逃王氏不從劉漢傑以山東有伊好友現在發財若肯同往卽爲設措銀兩送其歸家度日如不同往卽行殺害王氏無奈同行嗣經緝獲劉漢傑王氏到案劉漢傑因質對無人捏詞狡展隨嚴飭勤緝劉二興楊狗務獲在案於乾隆二十年十一月

二十二日拿獲劉二興楊狗該州訊報據各犯供認前情矢口不移將劉二興楊狗擬絞劉漢傑擬斬具題應如所題劉漢傑合依木夫縱容妻妾與人通姦姦夫起意謀殺例擬斬監候秋後處決劉二興楊狗均合依謀殺人從而加功律擬絞監候秋後處決該督既稱杜王氏訊無知情同謀情事後聞知伊夫被害不即聲喊鳴冤復又聽許銀兩隨同姦夫逃走殊屬不合若照例僅科姦罪不足蔽辜杜王氏應比照夫為人所殺而妻妾私和者杖一百徒三年律應杖一百徒三年係犯姦之婦杖罪的決徒罪收贖查杜王氏事犯在

恩詔以前杜王氏情罪與十惡不義無異應不准其援免等語均應如該督所題完結再該督疏稱此案前任開州知州嚴宗嘉失察土娼例應議處但該員業已病故應無庸議等語應無庸議乾隆 年 月

日奉

旨劉漢傑依擬應斬劉二興楊狗依擬應絞俱著監候秋

後處決餘依議

威逼人致死情重者比照因姦釀命例杖徒追埋

刑部題會看得已革學正張聖化擅專審斷致羅世元窘迫自盡一案據貴撫圖疏稱緣生員羅世元赴城至楊森家借宿夜晚點燭照亮插于竹編牆上因倦就寢遺忘吹熄以致延燒偏厦並楊森住屋二間羅世元即移去另寓次日楊森次子楊國輔向另居之兄楊國相告知赴學呈控該學正張聖化即差門斗李實傳喚查詢羅世元自認屬實張聖化令羅

世元出稗二石幫其日食羅世元依允向寓主借銀
二兩五錢折價赴交楊國相嫌少張聖化令其增添
復差李實協同催取羅世元答以緩措楊國輔不甘
輒將馬匹拉去令其交稗贖回詎羅世元聞馬被拉
去窘急氣忿潛出投河殞命報州驗訊將張聖化題
奏奉

旨革職審究訊供不諱查羅世元借宿失火原有應得之
罪該學正斷令幫稗楊國輔遽行拉馬勒贖致羅世
元忿急自盡僅依威逼人致死律科斷未足蔽辜將
楊國輔比依擬徒楊國相擬杖等因具題前來應如
該撫所題楊國輔比照事主失竊窘逼自盡審明賊
犯贓少罪輕不至滿徒比照因姦釀命例杖一百徒
三年仍追埋塋銀兩給付死者之家楊國相李實均
照不應重律杖八十李實仍革役再廣順州學正張
聖化擅斷釀命依違

制律杖一百已于本案革職應毋庸議乾隆三十七年
六月二十四日奉

旨依議

漠不相關之人屢行爭鬧致人自盡外照威逼

擬杖追埋奉

旨著發黑龍江給披甲人為奴

兵部奏據川督文 疏稱調署重慶鎮標中軍守備

哈得功異姓義父哈朝在青雲營守備署內自抹身

死一案緣哈得功本名穆玉春父死母存乾隆三十

六年哈朝無子撫以為嗣改名哈得功選充提標兵

丁出師金川拔補青雲營守備哈朝代為聘妻於四

十一年四月完婚哈得功將哈朝夫婦接赴任所哈

得功親母周氏前夫之子高懷仁知哈得功已陞守
備卽挈伊眷隨同周氏搬至署內哈朝以高懷仁母
子回漢飲食不便時相吵鬧四十二年五月哈得功
調任重慶鎮標中營守備哈朝不欲高懷仁偕往周
氏以子親生必欲同行彼此爭執甚至出言唾辱高
懷仁隨聲附和哈朝氣忿莫釋於三十日午後自刎
身死究明哈朝實因與高懷仁母子口角氣忿輕生
並無別故高懷仁屢次與哈朝爭吵激令自戕情同
威逼高懷仁合照因事逼人致死者杖一百律應杖
一百折責四十板追埋葬銀一十兩給付死者之家
塋葬周氏偏護前夫之子時相詬詈婦女無知罪坐
伊子請寬免究無干省釋守備哈得功雖係哈朝異
姓義子例應歸宗但該備現係職官目擊哈朝與高
懷仁母子久不相安不早爲調處約束致哈朝在署
自戕實屬不合相應請

旨將調任重慶鎮中營守備哈得功交部議處以飭官場
令其照例歸宗際追取該守備劄付鈐記卽令解任
委員前往接署外理合具題奉


所見集 卷二十六
旨哈得功著議處具奏該部知道欽此查哈朝係守備哈
得功異姓義父哈得功接住署內有哈得功本生母
周氏挈前夫之子高懷仁來署居住因哈朝回教飲
食不便時相吵鬧迨哈得功調任重慶哈朝不許高
懷仁同往致被周氏母子唾罵氣忿自戕該員雖無
偕同附和情事但不能早為調處約束卽屬不合應
將重慶鎮標中營守備哈得功照不應重律杖八十
係官犯私罪照例降三級調用查哈得功現有征勦
金川所得功加二十六等軍功紀錄二十四次但係

私罪未便准其抵銷應行革職等因乾隆四十二年

十月十四日奉

旨哈得功因生母周氏同前夫之子高懷仁在署吵罵以
致義父自戕該部議以降調不准抵銷因無級可降
請旨革職固屬咎所應得第驗該員此次隨征金川
頗為出力所得軍功較多若因此卽行降革未免可
惜哈得功降級之處著加恩准其抵銷至此案情節
皆由周氏母子啟衅所致周氏係女流無知而高懷
仁以漠不相干之人搬居署內屢行爭鬧以致哈朝

自戕甚厲可惡雖經該督擬杖其情罪尙不足相抵
高懷仁著發黑龍江給甲人為奴欽此



卷二十六終

文正丁卯

